



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonavno tužilaštvo Srednjobosanskog kantona/Kantonavno
tužiteljstvo Središnja Bosna
Travnik

Broj: T06 0 KT 0038717 25
Travnik, 06.03.2026. godine

OPĆINSKOM SUDU U TRAVNIKU
-Sudcu za prethodno saslušanje-

Na temelju odredbe člana 45. stav 2. točka i) i člana 241. stav 1. Zakona o kaznenom postupku Federacije Bosne i Hercegovine, podižem

OPTUŽNICU

Potvrđena dana 10.03.2026.godine

Protiv:

1. N. V.

Po rješenju Općinskog suda u Travniku određen je jedno mjesečni pritvor od 17.11.2025. u 01,00 sati, pa najduže do 17.12.2025. godine, do 01,00 sati; Rješenjem Općinskog suda u Travniku produžen je pritvor, koji po tom rješenju može trajati najduže dva mjeseca tj. Do 17.02.2026. godine. Rješenjem Općinskog suda u Travniku produžen je pritvor, koji može trajati do tri mjeseca.

2. H. T.

Po rješenju Općinskog suda u Travniku određen je jedno mjesečni pritvor od 17.11.2025. u 01,00 sati, pa najduže do 17.12.2025. godine, do 01,00 sati; Rješenjem Općinskog suda u Travniku produžen je pritvor, koji po tom rješenju može trajati najduže dva mjeseca tj. Do 17.02.2026. godine. Rješenjem Općinskog suda u Travniku od 16.02.2026. produžen je pritvor, koji može trajati do tri mjeseca.

Što su:

1. N. V. sama

- a) Dana 14.11.2025. godine, na području općine Travnik svjesna da je neovlaštena prodaja, te držanje radi dalje prodaje opojne droge zakonom zabranjeno i htijući to, postupala suprotno odredbama člana 4 u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik broj: 8/06, 103/08 i 51/11), tako što je od njoj poznatih osoba nabavljala radi dalje prodaje opojnu drogu amfetamin i Cannabis sativa L koje su na Popisu opojnih droga, psihotropnih tvari, biljaka iz kojih se može dobiti opojna droga i prekursor“, Zakona o sprečavanju i suzbijanju zloupotrebe opojnih droga nakon čega je istu pripremala

u manje paketiće i neovlašteno u više navrata prodavala R. Č. za novčane iznose od 500 KM, 600 KM i 1500 KM, K. K. za novčane iznose od 20,00 KM, 30,00 KM i 50,00 KM, I. P. za novčane iznose od 20,00 KM, 30,00 KM, 50,00 KM i 100,00 KM i B. R. jedne prilike za iznos od 20,00 Eura, te je dana 14.11.2025. godine u obiteljskoj kući na adresi ***, općina Travnik neovlašteno radi prodaje držala jedan pvc prozirni zamotuljak u kojem se nalazila opojna droga amfetamin neto mase 0,380 grama, jedan providni pvc zamotuljak sa opojnom drogom amfetamin 2,998 grama, dva pvc zamotuljka sa sa sadržajem opojne droge amfetamin neto mase 0,212 grama i neto mase 0,513 grama, te jednu veću pvc providnu vreću u kojoj se nalazi opojna droga Cannabis sativa L neto mase 35,823 grama koja sadrži psihotropnu supstancu tetrahidrokanabinol (THC) u masenom udjelu većem od zakonom propisanog (0, 2%), i kalkulator crne boje sa poklopcem i natpisom „OPTIMA“ na koje su tragovi opojne droge amfetamin, a koja opojna droga je pronađena od strane policijskih službenika MUP-a SBK Travnik prilikom pretresa na temelju naredbe za pretres Općinskog suda u Travniku.

- b) Dana 14.11.2025. godine na adresi ***, općina Travnik protivno članku 7. stavak (3), članku 8. stavak (1) točka b) Zakona o nabavi, nošenju i držanju oružja i streljiva SBK bez odobrenja nabavila kratkocijevno vatreno oružje- poluautomatski pištolj marke „Crvena zastava“ , Mod. 70, serijskog broja: C-189418 sa pripadajućim okvirom u kojem se nalazilo šest metaka cal. 7,65, x17 mm svjesna da je za nabavljanje i nošenje takvog oružja potrebna važeća isprava o oružju koju ispravu nije imala, što je i htjela, a koje vatreno oružje je pronađeno dana 14.11.2025. godine od strane policijskih službenika MUP-a SBK Travnik prilikom pretresa na temelju naredbe za pretres Općinskog suda u Travniku.

2. N. V. i H. T. zajedno

Dana 16/17.11.2025. godine, u ulici Zenjak, općina Travnik zajednički i dogovorno, svjesni da je neovlašteno držanje radi prodaje opojne droge zakonom zabranjeno, što su i htjeli, postupali suprotno odredbama člana 4 u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik broj: 8/06, 103/08 i 51/11), tako što su u pmv Audi A6 registarskih oznaka *** kojim je upravljao H.T., dok se na mjestu suvozača nalazila N. V. neovlašteno držali i prenosili radi daljnje prodaje jedan pvc prozirni bijeli zamotuljak sa sadržajem opojne droge amfetamin neto mase 1,431 grama, prozirnu veću pvc kesu u kojoj su se nalazile dvije vakum kese sa sadržajem opojne droge amfetamin bruto mase 47,685 grama, te u količini bruto mase 99,277 grama, providni paketić sa sadržajem opojne droge Cannabis sativa L neto mase 122,232 grama i novac u iznosu od 600 KM, a koja materija i novac je pronađena i oduzeta prilikom pretresa vozila, dok je prilikom pretresa H. T. pronađen i oduzet jedan paketić sa sadržajem opojne droge amfetamin neto mase 1,041 grama, koji pretres je izvršen od strane policijskih službenika MUP-a SBK Travnik na temelju naredbe za pretres Općinskog suda u Travniku.

3. H. T. sam

Tijekom 2025 godine pa sve do 17.11.2025. godine na području općine Travnik neovlašteno radi prodaje kupovao i prodavao opojnu drogu postupajući suprotno

odredbama člana 4 u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik broj: 8/06, 103/08 i 51/11), tako što je svjestan da je nabavljanje i prodaja opojne droge zakonom zabranjeno, što je i htio, nakon što je nabavljao od njemu poznatog lica opojnu drogu amfetamin i Cannabis sativa L koje su na Popisu opojnih droga, psihotropnih tvari, biljaka iz kojih se može dobiti opojna droga i prekursor“, Zakona o sprječavanju i suzbijanju zloupotrebe opojnih droga, istu u više navrata prodavao H. A. za iznose od 50,00 KM, te u više navrata prodavao M. S. za iznose od po 30,00 KM.

Čime da bi počinili:

N. V. pod točkom 1a) kazneno djelo Neovlaštena prodaja i stavljanje u promet opojne droge iz člana 238 stav 1. KZ FBiH, pod točkom 1 b) kazneno djelo iz člana 69. stav 1. u vezi sa članom 7. stav 3. točka d) i člana 8. stav 1. točka b) Zakona o nabavci, držanju i nošenju oružja i municije („Službene novine SBK” br. 12/2014 i 9/15“), a pod točkom 2 kazneno djelo Neovlaštena prodaja i stavljanje u promet opojne droge iz člana 238. stav 1. KZ FBiH u vezi sa članom 31. KZ FBiH, a sve u vezi sa članom 54. KZ FBiH.

H. T. pod točkom 2. kazneno djelo Neovlaštena prodaja i stavljanje u promet opojne droge iz člana 238. stav 1. KZ FBiH u vezi sa članom 31. KZ FBiH, a pod točkom 3 kazneno djelo Neovlaštena prodaja i stavljanje u promet opojne droge iz člana 238. stav 1. KZ FBiH, sve u vezi sa članom 54. KZ FBiH.

Na temelju odredbe člana 78. i člana 238. stav 4. KZ FBiH od osumnjičenog H. T. ima se trajno oduzeti opojna droga Cannabis Sativa L, neto mase 122,210 grama, opojna droga Amfetamin neto mase 146,897 grama i opojna droga Amfetamin neto mase 1,019 grama, ostatak materijala nakon vještačenja.

Na temelju odredbe člana 78. i člana 238. stav 4. KZ FBiH od osumnjičene N. V. ima se trajno oduzeti opojna droga Cannabis Sativa L, neto mase 35,801 grama i opojna droga Amfetamin, neto mase 4,041 grama, ostatak materijala nakon vještačenja.

Na temelju odredbe člana 78. KZ FBiH od osumnjičene N. V. ima se trajno oduzeti : Pištolj crvena zastava, mod.70 cal .7,65x17mm, ser. Br. C-189418 i okvir za municiju,

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom